

27, 29, 30, 31



IJWI RY'UBUHANUZI ISHURI RYA BIBILIYA MW IPOSTA

B.P. 1710

— BUJUMBURA —

BURUNDI

ICIGWA CA I.

HARIHO IMANA IMWE, NATWE TURI ABANA BAYO

Umurongo wo kwibukwa : «Kuk'uhambaye, kand'ukora
ibitangaza : Ni wewe Mana wenyene , » Zaburi 86 :10.

URWINJIZO.

Aho umuntu ageze hose mur'yisi, ah sanga abantu barondera ukuri. Bisuza kumenya ukuri kw'ibintu vyinshi. Bashaka inyishu z'ibibazo vyinshi. Bimwe bimwe ngibi : Mbega Imana iriho ? Ni yaba riho, iranezwe n'ivyo dukora ? None tuzoyibona ? Ni nde yaremye isi n'ibiri kuri yo vyose ? Ni nde yaremye umuntu ? None yamuremye mu ki ? Iyo umuntu apfuye bigenda gute ? None aracheza akazuka akasubira kuba muzima ? Ibibazo nk'ibi bishobora kuronka inyishu. Inyishu zavyo tuzozisanga mu nyigisho z'Ijwi ry'Ubuhanuzi. Tukwakiriye kuba umwe mu barondera ukuri. Mur'iki cigwa ca mbere, turishura ibi bibazo : (a) Mbega hari Imana nyinshi ? (b) N'izihe, vyongeye ziba hehe ? (c) None hariho Imana imwe y'ububasha ? (d) Iba hehe ? (e) Hari uwayibonye ? (f) None n'ikiremwa gifise ubuzima ? (g) None Imana imeze gute ?

IMANA YAKOZWE N'ABANTU S'IMANA.

1. Abantu batizera Imana ni ba nde ?

Hariho abantu bensi batemera kw'Imana iriho. Bavuga, batu « Kumbure ibaho, ntituyimene. » Abantu nk'abo bateye ikigonwe, kuko muri Zaburi 53: I dusomamwo ibikwirikira « Igipfu cibwira mu mutima, Ngo Nta Mana iriho. » Ni vyaba gukekeranya ko hariho Imana ar'ubupfu, ni ngombwa ko habaho Imana imwe, isumba ibigirwamana vyose, ivuga iti :

Mwibuke ivyabanje kubaho kera ; kukw'ari jewe Mana, ata yindi ; ni jewe Mana, nta yindi duhwanye. » Yésaya 46 :5- 7,9.

None mur'iyi mirongo twizemw'iki ? (a) Birashoboka kw ahan tu hose ngaha kw isi bagira bigirwamana vyinshi bigizwe nk'u-kw'abantu bashaka ko bikorwa ar'ivyavuye mw izahabu no mw'ifeza no mu biti no mu bindi biremwa biriho vyose ; (b) arikw abantu bashobora kujana ivyo bigirwamana ah'ariho hose, canke bagapfa aho bagiteretse, mugabo ntigishobora kwivanaho ; (c) bakivugishije ntigishobora kumva ivyo bakibariye, canke ngo kivakize amagorwa yabo. None mwumva ikigirwamana nk'ico kimaze iki ?

2. None hariho ibigirwamana birenze Imana imwe ?

Muri Yezaya 45 :22, dusomamwo, ngo « Kukw ari jewe Mana, ata yindi . » None rero ivyo bigirwamana vyakozwe n'abantu tuyise Imana tuba ducumuye, kuko iyo Mana yonyene itubwi a ngo nta yindi Mana iriho, atari yo yonyene rudende. Mu vy'ukuri dushobora kuvvit'ibigirwamana, kand'ibigirwamana ntaco bimaze ; « Naho hari ivyitwa imana mw ijuru no mw isi... ariko kuri twebwe har'Imana imwe, Data wa twese-» Raba 1 Ab'i Korinto 8 :5,6. « Ni jewe wa mbere, vyongeye nd'uwa.nyuma ; atari jewe nta yindi Mana iriho. » Yesaya 44 :10, « Ni nde yaryohoye ikigirwamana, agacura igishushanyo kitagira ico kimaze ? Mu mirongo 14-17 tusomamwo k'umuntu ashobora guca igit akagicagaguramw'ibice akabitekesha umutsima n'inyama akongera akacota ; ibindi bihimba akabikoramw'ikigirwamana c'ugusenga ; ico yigiriye akacita imana ngw imukize. Yesaya avuga iki kuyverekeye ikigirwamana cakozwe n'umuntu ? « Ntigishobora kumwishura canke ngo kimukize amagorwa yiwe. ».

3. Ibigirwamana vyakozwe n'abantu bifise ububasha buke gute ?

« Abakorera igitic'ikigirwamana cabot'ikibazano bagasenga Imana idashobora gukiza, nta bwenge bagira. » Yesaya 45 :20

IMANA N'IMWE RUDENDE YO MW IJ URU.

4. Ni nde Rugira vyose ishobora kuba Imana y'ukuri ? Amambo atangura muri Bibiliya avuga, ngo « Ubwa mbere na mbere Imana yaremye ijuru n'isi. » Mur'aya majambo dukwiriye gутегера yu kw Imana yamyeho imbere y'iremwa ry'isi, ubwo ntibishoboka ko yoba yararemwe n'umuntu.

Mbe iyo Mana imwe yemerera umuntu ko yigirira ikigirwamana kitashobora kumufasha ? « Ntuhirahire ngo ugire ibigirwamana bitajwe, canke bisa n'ishusho yose iri hejuru mw ijuru ; canke ngaha kw isi, canke mu biyaga, ntukabipfukamire ; ntukabikore, kuko Uhoraho Imana yawe nd'Imana ifuhu, mpora abana ibigabitanyo vya base, nkageza k'urunganwe rugira gatatu no ku rugira kane rw'abanyaaka, nkagirria ikigongwe abankunda, baki tondera vyagezwe vyanje, nkageza k'urunganwe rwa rwabo uko ruzogenda rukwirikirana gushitsa igihumbi. » Kuvayo 20 :4-6. « Ntimuze mwironderere ibigirwamana, canke ngomushinge'igishushanyo, ar'ikibazano, ar'inlingi y'ibuye, kandi ntimuze mugire ikibuye mushira mu gihugu canyu gikorogosho yekw ibishushanyo co kumira : kuko nd'Uhoraho Imana yanyu » Abalewi 26 :1. « Mur'iyi mirongo tubonyemwo ko ha'tiho Imana imwe gusa, Umuemy w'ijuru n'isi, ariwe yamyeho imbere y'iremwa ry'isi. Hariho ibigirwamana vyinshi bidashobora gufasha, canke kumva, canke gukiza. »

IMICO Y'IMANA.

5. Tushobora kumeny'iki ku vyerekey'imico y'Imana ?

Iyo Mana imwe n'Imana igenza gute ? Mbe n'inyakuri ? N'inyamujinya ? Mbe igira impuhwe n'urukundo ? Imana n'URUKUNDO ». 1 Yohana 4 :8.

6. Mbe none iyo Mana rudende itubwira ukuri cank'iratubesaha ?

« Uhoraho, Uhoraho Imana yuzuye imbabazi n'ubuntu, nteba kuraka, ngira ikigongwe cinshi, mpora nd'umwizigirwa. » Kuvayo 34 :6. « Arikò wewe ur'Imana ikunda guharira, ur'inya-buntu wuzuye imbabazi, uteba kuraka, ugira ikigongwe cinshi. » Nehemiya 9 : 17.

7. None iyo Mana imwe n'inyantenge nke canke n'inyabushobozi ?

Ivyahishuwe 18 :8 « Kuk'Umwami Imana amuciriyekw iteka ar'uw'ubushobozi. » Zaburi 24 :8 « Uwo Mwami w'ubwiza ni nde ? N'Uhoraho afise inkomezi n'ubutore. » Dushobora kuvuga none kw imigenzo imico y'Imana, ar'urukundo ukuri kugira neza ; imbabazi n'inkomezi ? None ntivyoroshe gukunda Imana imeze irtyo ?

MBE HARIHO UMUNTU AMAZE KUBON'IMANA ?

8. Har'umutu yabony'Imana ?

« Nta wigeze kubon'Imana. » 1 Yohana 4 :12. Nta wigeze kubona Imana bensi bakekeranya kw iriho. Hariho inkuru imwe ivugwa y'umuntu wo mur'abo bakekeranya. Uwo muntu yazenerima mu gihugu c'Abarabu kandi umurongora yari umuntu w'i-ntungane mw'idini y'Abisilamu. Umusi umwe uwo tuyobozzi amaze gusaba Imana uwo muntu yakekeranya arabaza, ati : « Mbega wamaze kubona iyo Mana usenga ? Ummisilamu aramwishura at'Oya na mba. None ushobora kwizigira ute iyo Mana utazi ; utigeze wumva, utigeze ukorako ? Uwo Mwisilamu'ariyuvira ico aribwishure uwo muntu. Iryo joro ryose yarimaze ariko ariyuvira vyerekeye ico kibazo. Bukeye babandanya urugendo rw'uwo musi. Iciyumiyo ca mbere c'uwo muntu yakekeranya kw Imana iriho n'iki : Mur'uru ruhande hari ingamiya mur'iri joro. Abaza uwo Mwisilamu ati Mbe wabonye iyo ngamiya ? Na we aramwishura, at'Oya ye. Mbe wayikorakoye ? Oya. Wumvis'ukw inuka ? Wumvise ijwi ryayo ? Cank'ube warayikorakoye ? Yishura uyo mugabo, at'Ivyo ntibigoye, ndaraba ibinono vyayo aho yaciye hose. Izuba ryari riserutse, uwo Mwisilamu atuma urutoke rwiwe ku zuba, avuga, ati Ririya n'ikimenyetso kimwe c'Imana, n'isi n'ibiyaga, n'ibicu vyuzuwegemwo n'ubwinshi bw'aho yaciye hose.

IMANA IRIMW'UBUMANA BUTATU.

9. Mbe Imana yimenyesheje abantu ikoresheje Umwana wayo Yesu Kristo ?

« Nta muntu yigeze kubona Imana na rimwe ; Umwana w'iki-nege aba mu gikiriza ca Se ni we yayimenekanishije. Vyongeye ntaw uzi Se kiretse Umwana w'Imana n'umuntu wese uwo Mwana ashatse kumumenyesha. » Yohana 1 : 18 ; Matayo 11 :2 « Iyo muba mwaramenye na Data muba mumuzi. » « Ubonye jewe aba abonye Data Yohana 14: 7.9. Uwo Mwana yoshobor

ate kuvuga ayo majambó? Kukw ameze nka Se vyongeye kand' iy'umuntu abonye uyo Mwana aba abonye Se naho twumva ko kuva kera hose ata muntu yigeze abona Imana.

10. Ngaha kw isi Imana ivugana gute n'abantu ?

Mur'iyi si Imana ivugana n'abantu ikoresheje Mpwemu Yera. Kera uyo Mwana yaje kw isi avugana n'abantu, abana n'abantu. Ageze gusubira kwa Se yabwiye abamwizigiye ; atti Ngiye kwa Data. Yohana 14 :28. Yari umuhoza wabo. Abemerera kw azabarungikira umusubirizi. Soma muri Yohana 15 :26 « Arik'Umwitsa ah'azozira uwo nzobarungikira ava kuri Data, niwe Mpwemu w'ukuri akomoka kuri Data, uwo niwe azonshingira intahe. »

Ni koko Imana n'mwe rudende arikw irimw' Ubumana Butatu : (a)Imana Data wa twese, (b)Imara Umwana, (c) Imana Mpwemu Yera. Ukw ari batatu basangiyi Ubumana, n'ingani, n'imigambi bafitiye iyi si, naho batasangiyi umubiri umwe.

Reka dukoreshe akarorero k'umugozi. Nguhaye umugozi. Maze uravuga, uti Mfise umugozi. ivyo n'ivy'ukuri. Arikwihiweje uyo mugozi usanga turimwo dutatu tutufatanije, turakorana iyo kamwe ushobora guça wibuka twose ukw ari dutatu. Kukö tusa twose. Hari umugozi umwe gusa, ariko urimwo itatu. Yose iko-ikora umurimo umwe. Uko niko Imana imeze. Muri Matayo 28 :19, « Nuko mugende muhindure amahanga yose abigishwa, mubabatize mw iz'na rya Data wa twese n'ry'Umwana n'rya Mpwemu Yera ».

Uyo Mwana yamenyeckane kw ari Yesu canke Kristo. Isomo ; Yohana 20 :13 « Arikw ibi vyandikiwe kugira ngo mwizere yuko Yesu ari we Kristo. Umwana w'Imana. » Uwo Mwana Yesu akiri kw isi kera, yasavye Imana, atti « Data igihe kirashitse : shimagiza Umwana wawe, ng'Umwana agushimagize. » Yohana 17 :1 (Mu ntango y'uyu murongo dusoma, ngo « Yesu avuze ivyo arangamiza mw ijuru. ») Uko niko Yesu ar'Umwana w'Imana cank' Imana-Umwana.

11. Amazina yandi y'Imana muri Bibiliya n'ayahe ?

Imana ifise amazina menshi. Rimwe muji ayo ni « Uhoraho Imana y'ukuri,... Imana nzima. » Yeremiya 10 :10. Imana iba-mw ijuru. Uyo Mwana Yesu akirikw si, yigishije abigishwa biwe gusenga « Data wa twese uri mw ijuru. » Matayo 6 :9. Intebe y'ubwami nihw iri » Uhoraho, intebe yiwe ri mw ijuru. » Zaburi 11 :4

Mw ijuru naho ngoro yayo. « Ego me koko, uze wame uvymva uri mw ijuru » IAbami8 : 30. Naho tutoshobora gutegera ic'arico n'ahoriri, ico tuzi n'uko ari hejuru gusa. hitanguye iyi si. « Uhoraho ni we Mana mw ijuru no mw isi, ata yindi. » Gusubira mu Vyagezwe 4 :39.

TURI ABANA B'IMANA.

12. Ukuri kwemez v'ibiliya yigisha kw'ubucati bw'Imana n'abantu n'ukuhe ?

Kukw Imana ar'Umuremyi ni ngombwa ngw igire abana. Abana bayo ni ba nde ? Bar hehe ? Yesu n'Imana-Umwana wa Data wa twese. Arikwi se nta bandi bana afise ? Yesu yigishi e abigishwa biwe gusenga, bati « Data watwese. » Ubwo bimeze biutyo, n'ngombwa kw Imana iba Data. TURI ABANA BAYO. Matayo :

6 :9. « Data wa twese uri mw ijuru. » Malaki 2 : 10, « Mbega twese ntidusangiye Data? Imana yaturemye s'imwe? » Yesu asubiye mw ijuru kwa Se yabwiye utnwé mu bigishwa biwe, ati « Nda-dure kwa Data ari we So, ku Mana yanje ari yo Mana yanyu. » Yohana 20 :17. Ku kubera ivyo tuzi ko Se wa Yesu ari we Data wa twese. Abaneyefeso 4 :6, « Imana imwe niyo Data wa twese. » Yeremiya 3 : 14, « Garuka mwa bantu basubiye inyuma, nik' Uhoraho mbivuze. » Imana yiyegeze abana bayo ku rukundo.

13. N'ukuhe kuhamagara gutangaje Imana ihamagaz'abana bayo?

Zaburi 50 : 15, « Uz'unyambaze ku musi w'amagorwa, nzogukiza, na we uzompesha icubahiro. » Zaburi 4 :3, « Uhoraho azo-nyumva uko ndamatukambiye. »

N'ivy'ukuri tur'abana b'Imana, bamwe n'abana bayumvira abandi n'ibigaba, batemera kw Imana ari Se wabo. None ntibabaza umutima w'umuvyeyi wese mu kumva ko hari umwana wiwe, naho hoba umwe, yanka kwemera kw ari we se. Naho uyo muvyeyi yoha afise abana benshi, intuntu yoguma ku mutima wiwe mu kumva k'uwo mwana atemera kw ar'uwo mu muiyango wiwe. None ntibabaza Imana iyo ibona abana bayo bamwe bayihakana bakanya kwemera kw ari yo Se wo mw ijuru?

Se w'abana bg mw isi anezewa no kubona abana biwe bayugana, na we. S'igihe bari mu magorwa gusa, ariko mu gihe cose. Niko na Data wa twese wo mw ijuru yifuza kuganira n'abana biwe mu munezero wabo wose. Yifuza kandi ko twokwimenyereza kuganira na yo imisi yose. Ubwo nibwo buryo bwiza, kugira tushobore kuguma mu rukundo, mu bwuzure bwayo. Ituganirira mw ijambo ryayo no muri Mpemwu Yera no mu biremwa yaremye bitukikije. (Soma Zaburi 19 :3).

Yemwe ga ngo Data wa twese aratandukana n'ibigirwamana vyakozwe n'abantu bitumva, ntibatabare ! None ga musomyi, nt-wokwifusa kubwira Imana nk'uko wabisomye mur'iki cigwa ko ari yo So wawe wo mw ijuru ? Ivyo vyonezereza umutima wayo, kuko yagukunze utarayimenga.

¹ Yohana 4 :19, « Twebwe tugira urukundo kukwari yo yabanye kudukunda. »

TABURA NGAHÀ

ITEGEREZE NEZA : Ukoreshé Bibliya hamwe n'icigwa ikibazo cose gifise INYISHU IMWE GUSA. Wandike X mu kazu k'inyishu 'y'ukuri. Ntihagire ikintu wandika mu tu nditubirf dusigaye. Raba akarorero ku kibazo ca 1.

BIBAZO VY'ICIGWA CA 1.

1. Akamaro k'ibigirwamana.

- A. Ibigirwamana umutu yigiriye birashobora kumukiza
- B. Ibigirwamana umuntu yigiriye birashobora kumwica.
- C. Ibigirwamana umuntu yigiriye ntivyumva.

X

2. Imana ni zingahe ?

- A. Imana n'imwe rudende.
- B. Imana irimw'Ubumana bubiri.
- C. Imana irimw'Ubumana butatu.

3. Yesu n'iki ?

- A. Yesu n'umumarayika w'Imana.
- B. Yesu n'Umwana w'Imana.
- C. Yesu n'umuhanuzi w'Imana.


4. Imico y'Imana imeze gute ?

- A. Imana n'umubeshi.
- B. Imana ni rugirakigongwe.
- C. Imana ni mahwera.


5. Imana iba hehe ?

- A. Imana iba mu bikoko.
- B. Imana iba mu kiyaga.
- C. Imana iba mw ijuru.

**IJWI RY'UBUHANUZI
ISHURI RYA BIBILIYA MWIPOSTA
B.P. 1710, Bujumbura
Burundi.**



Izina _____



Ahuba _____
